

Morning Dogri (NSD) National News Bulletin 18-01-2025

आकाशवाणी

- प्रधानमंत्री नरेन्द्र मोदी होर स्वामित्व स्कीम हेठ वीडियो कांफ्रेंसिंग राएं 65 लक्ख संपत्ति कार्ड लाभार्थिएं गी बंडगन।
- संसद दा बजट सत्र 31 जनवरी थमां शुरू होआ'रदा ऐ। राष्ट्रपति द्रौपदी मुर्मू होर संसद दे सांझे सत्र गी संबोधत करगन। पैहली फरवरी गी सरकार बजट पेश करगन।
- रक्षा मंत्री राजनाथ सिंह होरें विश्वस्तर उप्पर तनाह गी दिक्खदे होई देश दे आक्रमक ते रक्षात्मक ताकत गी मजबूत करने दा आह्वान कीता ऐ।
- अंतर्राष्ट्रीय मुद्रा कोष नै अगले दो माली ब'रें च भारत दी विकास दर साढ़े 6 प्रतिशत होने दा अनुमान लाया ऐ।
- अमरीका दी सुप्रीम कोर्ट नै टिक-टॉक पर पबंदी लाने दे फैझल कनून गी उचित दस्सेआ।
- नमीं दिल्ली च खेड्डे जा'रदे खो खो विश्व कप 2025 च भारत दी महिला ते पुरुष टीमां सैमीफाइनल च वुज्जी गेइयां न।

<><><><><><>

PM-Svamitva Scheme

प्रधानमंत्री नरेन्द्र मोदी होर कल 10एं राज्यें ते दऊं केन्द्र शासत प्रदेशें दे 50 जहार कोला मते ग्राएं च स्वामित्व योजना तैहत जायदाद दे मालकें गी वीडियो कांफ्रेंसिंग राएं 65 लक्ख कोला मते जायदाद सरबन्धी कार्ड बंडगन। एह स्कीम प्रधानमंत्री हुंदे आस्सेआ शुरू कीती गेई ही, एहदा मकसद उन्नत ड्रोन तकनीक राएं तैआर जायदाद दे रिकार्ड दा अधिकार मुहैया करियै ग्रामीण भारत दे आर्थिक विकास च बाद्धा करना ऐ। हुनै तोड़ी 3 लक्ख 17 जहार कोला मते ग्राएं च ड्रोन सर्वेक्षण दा कम्म पूरा होई गेआ ऐ। तैय रखे गेदे लक्ष्य दा 92 फीसदी लक्ष्य हासल करी लैता गेदा ऐ। इक्क लक्ख 53 जहार कोला मते ग्राएं लेई तकरीबन 2 करोड़ 25 जहार जायदाद सरबन्धी कार्ड तैयार करी लैते गेदे न। जायदाद सरबन्धी कार्ड जायदाद मुतल्लक मुद्रीकरण दी स्थूलत देने दे कन्नै बैंक सवां कर्जे दे राएं संस्थागत कर्जे तोड़ी पुज्ज गी सौक्खा बनांदा ऐ।

एहदे अलावा एह जायदाद मुतल्लक विवादें च कमी करदा ऐ ते ग्रामीण इलाकें च बेहतर जायदाद मूल्यांकन ते जायदाद सरबंधी टैक्स ग्राही च सहयोग बी दिंदा ऐ।

<><><><><><>

PM-Man Ki Baat

प्रधानमंत्री नरेन्द्र मोदी होर देश ते देश दे बाहर रवा'रदे लोकें कन्नै कल "मन की बात" कार्यक्रम राएं अपने बचार सांझा करगंन। कल दे कार्यक्रम दी कड़ी इस म्हीनावार प्रसारत होने आले कार्यक्रम दी 118मीं कड़ी होग।

<><><><><><>

PM-Space

प्रधानमंत्री नरेन्द्र मोदी होर पिक्सल स्पेस तरफा पैहले निजी उपग्रह दे समूह दी सफलता पर खुशी प्रगट कीती ऐं इक सोशल मीडिया पोस्ट च प्रधानमंत्री होरें आखेआ जे एहदे कन्नै देश दे नोजवानें दी बिरली क्षमता दा पता चलदा ऐ। उनें आखेआ जे एह सफलता अंतरिक्ष उद्योग च निजी क्षेत्र दी बधदी क्षमताएं गी उजागर करदी ऐ।

<><><><><><>

Budget

संसद दा बजट सत्र इस म्हीने दी 31 जनवरी थमां शुरू होआ'रदा ऐ। राष्ट्रपति द्रौपदी मुर्मू होर लोकसभा ते राज्यसभा दे सांझें इजलास गी 31 जनवरी गी संबोधत करगंन ते 1 फरवरी गी केन्द्री बजट पेश कीता जाग। बजट सत्र दा पैहला भाग 31 जनवरी थमां 13 फरवरी तोड़ी चलोग ते दूआ 10 मार्च थमां 4 अप्रैल तोड़ी चलोग।

<><><><><><>

CC EA

आर्थिक मामलें दी कमेटी नै राष्ट्रीय इस्पात संगम लिमिटेड लेई 11 ज्हार 440 करोड़ रुपे दा पुर्नब्हाली पैकेज मंजूर कीता ऐ। सूचना ते प्रसारण मंत्री अश्विनी वैष्णव होरें नमीं दिल्ली च मीडिया गी दस्सेआ जे कल लग्गी दी मंत्रिमंडल दी बैठक च इस पैकेज गी मंजूरी दिती गेई।

उनें दस्सेआ जे आरएनएल देश दे इस्पाज खेत्तर च अज्ज महत्वपूर्ण कंपनी ऐ ते एह आंध्रप्रदेशन च ऐ। उनें दस्सेआ जे इस पैकेज कन्ने आरएनएल दे सब्बने कर्मचारिएं गी लाह होग।

<><><><><><>

Rajnath

रक्षामंत्री राजनाथ सिंह हुंदे सुरक्षा दे बंदिश च बधा'रदी तनोतनी गी दिखदे होई मुखै दी आक्रमण ते रक्षात्मक ताकत गी मजबूत करने दी जरूरत पर जोर पाया ऐ। उनें आखेआ जे देश दे रक्षा बलें दी मुश्कललातां सनें दे कन्ने बधा'रदियां न। रक्षा मंत्री होरें नमीं दिल्ली च 2024 ब'रे दी गी नौसेना नागरिकें सरबंधी ब'रे दे तौर पर मनाए जाने लेई लोआए गेदे कार्यक्रम गी संबोधत करा'रदे हे। उनें इस गल्ला पर जोर पाया जे फौज बड़े जनादेश कन्ने अग्गे बधा'रदी ऐ। उनें आखेआ जे देश भक्ति, वीरता ते अनुशासन फौजिएं गी देश दे खतरे ते चुनौतिएं थमां बचाह करने च उंदी जिम्मेदारी गी पूरा करने च मदाद करदे न। उनें आखेआ जे राष्ट्र दी आर्थिक, खुशहाली, समुंद्री सुरक्षा कन्ने जुड़ी दी ऐ ते एह जरूरी ऐ जे समुंद्री इलाके गी हिफाजत कीती जा ते समुंद्री रस्ते दा रख-रखाव पक्का कीता जा।

<><><><><><>

VNSC

अमरीका दी सुप्रीम कोर्ट नै टिक टॉक पर प्रतिबंध लाने आले इने फैछल कनून गी सेही दस्सेआ ऐ। वीचियो सांझे करने आले प्लेटफार्म टिक टॉक पर प्रतिबंध कलै थमां होआ'रदा ऐ अजें ची नदी कंपनी नै इक अमरीकी कंपनी गी बेची दित्ते दा ऐ। सुप्रीम कोर्ट दा फैसला अमरीकी संसद ते न्याय विभाग दे फैसले गी एचित ठैहरांदा ऐ जेहदे च ची नदी कंपनी दे गलत स्वामित्व आले टिक टॉक गी राष्ट्रीय सुरक्षा आस्तै खतरा दस्सेआ गेदा ऐ।

<><><><><><>

Kho Kho

खो खो विश्व कप 2025 च भारत दी पुरुष ते महिला टीमां सैमीफाइनल च पुज्जी गेइयां न। नमीं दिल्ली च होआ'रदी प्रतियोगिता च भारत दियां दवै टीमां हुनै तोड़ी सब्बने मैचें च जेतू रेइयां न।

भारत दी पुरुष टीम नै कल इंदिरा गांधी इंडोर स्टेडियम च श्रीलंका गी 40–100 दे बड्डे स्कोर कन्नै हराया। रामजी कश्यप गी मैच दा बेस्ट प्लेयर ते वी.सुब्रामधियम गी बैस्ट अटैकर अवार्ड दित्ते गे। श्रीलंका दे शशिनाडू गी बैस्ट डिफेंसर घोषत कीता गेआ। जोआई भारत दी महिला टीम नै बंग्लादेश गी 109–16 कन्नै करारी शिकस्त दित्ती।

<><><><><><>

Badminton

इंडिया ओपन बैडमिंटन दे मर्दे दी जोड़ी चिराग शेटी ते सात्विक साईराज रंकीरेड्डी दा मकाबला त्री वरीयता प्राप्त मलेशिया जोड़ी गोह ते नूर कन्नै के.डी.जाधव इंडोर स्टेडियम नमीं दिलली च अज्ज संजा होग।

<><><><><><>